

Bosna i Hercegovina
Federacija Bosne i Hercegovine
Unsko – sanski kanton
OPĆINA VELIKA KLADUŠA
Organizacioni odbor
„Kladuški dani poljoprivrede 2019“

Broj: 02-05-2164-1/19
Velika Kladuša, 05.09.2019. godine

Na osnovu Odluke Općinskog vijeća broj: 01-05-181/05 od 01.07.2005. godine i Pravila o sadržaju i odvijanju završnog dijela manifestacije (“Službeni glasnik Općine Velika Kladuša”, broj: 7/2005), Općina Velika Kladuša objavljuje:

JAVNI POZIV
za prijavu i učestvovanje poljoprivrednih proizvođača na manifestaciji

„KLADUŠKI DANI POLJOPRIVREDE 2019“

Općina Velika Kladuša obavještava sve poljoprivredne proizvođače da će se završni dio tradicionalne manifestacije „**Kladuški dani poljoprivrede 2019**“ održati u **subotu, 28. septembra 2019. godine u mjestu Poljice**, mjesna zajednica Vrnograč sa početkom u **11:00 sati**.

Pozivamo sve zainteresirane poljoprivredne proizvođače – farmere, vlasnike stoke da se prijave za učešće na manifestaciji u izložbeno-takmičarskom dijelu u slijedećim kategorijama:

- Izložba i proglašenje tri najbolje u kategoriji krava muzara
- Izložba i proglašenje tri najbolje u kategoriji visokosteonih junica
- Izložba i proglašenje tri najbolja u kategoriji tovnih bikova
- Izložba i proglašenje najboljeg u kategoriji radnih i vučnih konja
- Izložba i proglašenje najboljeg u kategoriji ovnova

Pozivamo i poljoprivredne proizvođače mlijeka, mesa, meda, voća i povrća da dokažu plasman proizvodnje kako bi proglasili i nagradili najveće proizvođače na području općine Velika Kladuša u slijedećim kategorijama: tri najveća proizvođača mlijeka te najveće proizvođače povrća, voća, mesa i meda.

Za pobjednike takmičarskog dijela manifestacije kao i za najveće proizvođače u gore navedenim kategorijama, Općina Velika Kladuša je obezbijedila značajne finansijske nagrade i diplome, a tu su i novčana sredstva za prevoz stoke za potrebe manifestacije. Naglašavamo da na manifestaciji mogu učestvovati samo zdrave životinje koje posjeduju svjedodžbu o zdravstvenom stanju životinja te one koje su obilježene i imaju potvrdu o kretanju.

Ovim putem pozivamo i zainteresirane poljoprivredne proizvođače – pčelare, proizvođače voća i povrća na otvorenom i u zatvorenom prostoru, da iskoriste priliku da građanima Velike Kladuše prezentiraju svoje proizvode u Gradskom parku u Velikoj Kladuši i u Vrnograču.

Krajnji rok za prijavu svih zainteresiranih učesnika je utorak, 24. septembar 2019. godine.

Za sve informacije o manifestaciji i načinu prijave zainteresirani poljoprivredni proizvođači mogu se javiti u Službu za privredu i upravljanje integriranim razvojem Općine Velika Kladuša, kancelarija broj 15, ili putem kontakt telefona 037 775 315 svakog radnog dana od 07:30 – 16:00 sati. Kontakt osoba je Rasim Karajić.

- a) oglasna ploča, Web site
- b) Radio Velika Kladuša
- c) u spis
- d) a/a

Predsjednik Organizacionog odbora
Refik Tabaković, savjetnik Općinskog načelnika

